

3 Quand la liëtiere du tourbillon versée,  
Et seront faces de leurs manteaux couuers,  
La republique par gens nouueaux vexée,  
Lors blancs & rouges iugeront à l'enuers.

*Munda vniuersales. sed postea nulli*

4 Par l'vniuers sera faict vng monarque,  
Qu'en paix & vie ne sera longuement:  
Lors se perdra la piscature barque,  
Sera regie en plus grand detrimēt.

*Bella vniuersa bella.*

5 Chassés seront sans faire long combat  
Par le pays seront plus fort greués:  
Bourg & cité auront plus grand debat,  
Carcas. Narbōne aurōt cueurs esproués.

*Rauenna Turin in vasella.*

6 L'œil de Rauenne sera destitué,  
Quand à ses pieds les aëles falliront,  
Les deux de Bresse auront constitué  
Turin, Verseil que Gauloys fouleront.

Tard arriué l'exécution faicte  
Le vent contraire, lettres au chemin prinſes  
Les coniures. xiiij. d'une ſecte  
Par le Roſſeau ſenez les entreprinſes.

Combien